

博古圖

卷一
卷二



重修宣和博古圖錄卷第一

鼎鼎總說

鼎一 二十六器

商

父乙鼎 銘三十字

瞿父鼎 銘二字

子鼎 銘一字

夷鼎 銘一字

癸鼎 銘一字

乙毛鼎 銘二字

召夫鼎 銘八字

亞虎父丁鼎 銘四字

冊命鼎 銘十一字

父巳鼎 銘三字

持刀父巳鼎 銘三字

父癸鼎 銘四字

父癸鼎二
銘三字

蔓鼎
銘一字

秉仲鼎
銘四字

素腹寶鼎
銘五字

若癸鼎
銘八字

象形饗餐鼎
銘二字

魚鼎
銘三字

伯申鼎
銘五字

立戈鼎 銘一字

立戈父甲鼎 銘三字

橫戈父癸鼎 銘四字

綦鼎 銘三字

象形鼎 銘一字

公非鼎 銘一字

總說

周易六十四卦莫不有象而獨於鼎言象者
聖人蓋有以見天下之賾而擬諸形容象其
物宜是故謂之象至於近取諸身遠取諸物
仰以觀於天俯以察於地擬而象之百物咸
備以通神明之德以類萬物之情故圜以象
乎陽方以象乎陰三足以象三公四足以象
四輔黃耳以象才之中金鉉以象才之斷象

饗饗以戒其貪象蜺形以寓其智作雲雷以
象澤物之功著夔龍以象不測之變至於牛
鼎羊鼎豕鼎又各取其象而飾焉則鼎之爲
器衆體具矣不特以木巽火得養人之象而
已故聖人惟以鼎爲象然鼎大者謂之鼐圜
弁上謂之嘉附耳外謂之鉞曰崇曰貫則名
其國也曰讒曰刑則著其事也曰牢曰陪則
設之異也曰神曰寶則重之極也士以鐵大

夫以銅諸侯以白金天子以黃金飾之辨也
天子九諸侯七大夫五士三數之別也牛羊
豕魚腊腸胃膚鮮魚鮮腊用之殊也然歷代
之鼎形制不一有腹著饗饗而間以雷紋者
父一鼎父癸鼎之類是也有鍊色如金著飾
簡美者辛鼎癸鼎之類是也有緣飾旋花奇
古可愛者象形鼎橫戈父癸鼎之類是也有
密布花雲或作雲雷迅疾之狀者晉姜鼎雲


雷鼎之類是也有隱起饗饗間以夔龍或作
細乳者亞虎父丁鼎文王鼎王伯鼎之類是
也或如孟鼎之侈口中鼎之無文伯碩史頤
鼎之至大金銀錯鼎之絕小或自方如簠或
分底如鬲或設蓋如敦有大小不同而制作
一體有款識雖異而形制不殊或造於一時
或沿於異代按而求之若辨黑白大抵古人
用意皆有規模豈特爲觀美哉若乃款識名

氏雖曰夏商從高陽之質以名爲號配以十
十而加之以父然齊有丁公乙公癸公幽公
之弟曰乙齊悼之子曰壬則十干之配未必
皆夏商也周大夫有嘉父宋大夫有孔父齊
頃之臣有丑父召公之後有父乙則加之以
父未必皆夏商也至於形之圜者如父癸季
嬭形之方者如文王單景其銘廼曰作尊彝
作從彝何也蓋先王之時作奇技奇器者罪

不容誅用器不中度者不鬻於市戒在於作
爲淫巧以法度爲繩約要使其器可尊其度
可法而後已是以沈子作盃而銘曰寶尊孟
金父作敦而銘曰尊敦父已作彝而銘曰尊
彝虢叔作鬲而銘曰尊鬲則於鼎曰尊者爲
其器可尊耳非六尊之尊也鴈婦作鬲而銘
之曰彝父辛作卣而銘亦曰彝伯所作者卣
也鬲也甗也皆以彝銘之單所作者卣也彝

也盃也亦皆以彝銘之則於鼎曰彝者爲其
度可法爾非六彝之彝也故左丘明外傳稱
法度之器曰彝器邢昺疏爾雅亦謂彝爲法
則尊彝者禮器之總名猶戈矛劒戟其用不
同而總謂之兵匏土革木其音不一而總謂
之樂爾然則器非尊彝而以尊彝爲銘者又
不可不辨也夫牛首之鑄泗水之亡雖不復
見然歷代所寶爲時而出者莫知其極惟考

商父乙鼎





庚午王命寢廟辰

見北田四品十二月

作册友史錫賴貝

用作父乙尊。闕

右高七寸耳高一寸二分闊一寸四分深三寸口徑五寸六分腹徑六寸容二升六合重斤十兩三足銘三十字按友史者太史也者如成王稱太史友之類所以尊之也太史順時視土蓋農官耳說文曰房星田侯也今日辰見則農當舉趾故命以北田四品所以授民時也昔者貨貝而寶龜曰錫賴貝者說文以賴爲贏言錫貝之多也

此商人作之以享父乙於寢廟而言乃及此
者蓋寢廟宗廟也書曰用命賞于祖在宗廟
之中作冊以錫有功是亦賞于祖之意乙之
號其在商也有天乙有祖乙有小乙有武乙
而惟太丁之子止曰乙且此言父乙蓋不知
其爲何乙也